

Ո Ր Ո Շ ՈՒ Մ թիվ - 35
Վարչական տույժ նշանակելու մասին

«18» փետրվարի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Լյուդմիլա Հովհաննեսի Ալավերդյանի վերաբերյալ նյութերը.

Պ Ա Ր Զ Ե Ց Ի

ՀՀ ՊԵԿ հետքագրողումային հսկողության վարչության աշխատակիցները, ղեկավարվելով Եվրասիական տնտեսական միության մաքսային օրենսգրքի 333-րդ և «Մաքսային կարգավորման մասին» ՀՀ օրենքի 133-րդ հոդվածներով, իրականացրել են արտագնա մաքսային ստուգում «ԱԳՈՌԹՈՒԼՍ» ՍՊ ընկերությունում և հայտնաբերել, որ «ԱԳՈՌԹՈՒԼՍ» ՍՊ ընկերության անվամբ ՀՀ ներմուծված և Արարատյան մաքսատուն-վաչությանը 26.02.2020թ. թիվ 05100010/260220/0010756 ապրանքային հայտարարագրով հայտարարագրված «ՄՈՏՈԿՈՒԼՏԻՎԱՏՈՐՆԵՐ WENXIN» տեսակի փխրիչներ ու կուլտիվատորներ ապրանքները հայտարարագրվել են ծածկագրի վերաբերյալ ոչ ճշգրիտ տեղեկություններով՝ ԵԱՏՄ ԱՏԳ ԱԱ 8432 29 100 0 ծածկագրով:

Արտագնա մաքսային ստուգման ընթացքում ընկերության կողմից ներկայացված տեխնիկական բնութագրերից պարզվել է, որ «ՄՈՏՈԿՈՒԼՏԻՎԱՏՈՐՆԵՐ WX-RC4200A» տեսակի սարքավորումները հանդիսանում են բենզինային ներքին այրման շարժիչով սարքավորումներ, որոնք ունեն հնարավորություն իրենց ամրացնելու տարբեր կախովի սարքեր, (առաջատար առանցքին կարող են ամրացվել անիվներ կամ հողագործության համար նախատեսված սարքեր՝ կուլտիվատորներ և փխրիչներ) կառավարվում են երկու բռնակների տեսքով ղեկային սարքի միջոցով՝ սարքավորմանը կից գտնվող վարորդի կողմից: Սարքավորումը նախատեսված է հող մշակելու համար:

ՀՀ ՊԵԿ մաքսային հսկողության վարչության 27.01.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՈ-21-000009 որոշման համաձայն՝ «ՄՈՏՈԿՈՒԼՏԻՎԱՏՈՐՆԵՐ WX-RC4200A» ապրանքատեսակը ենթակա է հայտարարագրման ԵԱՏՄ ԱՏԳ ԱԱ 8701 100 00 ծածկագրով (մաքսատուրքի դրույքաչափը՝ հայտարարագրերի գրանցման օրվա դրությամբ 10%, ԱԱՀ 0%):

Իրականացված արտագնա մաքսային ստուգման արդյունքում 29.01.2021թ. կազմվել է թիվ 0101-Ա ստուգման ակտը և «ԱԳՈՌԹՈՒԼՍ» ՍՊ ընկերությանն առաջարկվել է կատարել վերահայտարարագրում ԵԱՏՄ ԱՏԳ ԱԱ ճշգրիտ ծածկագրերին համապատասխան՝ վճարելով պակաս վճարված մաքսային վճարները: Արտագնա մաքսային ստուգման նյութերն ուղարկվել են ՀՀ ՊԵԿ իրավաբանական վարչություն մաքսային կանոնների խախտման հատկանիշների հարցը պարզելու համար:

Վարչական վարույթի նյութերից պարզվել է, որ Արարատյան մաքսատուն-վարչությունում թիվ 26.02.2020թ. թիվ 05100010/260220/0010756 ապրանքների հայտարարագիրը լրացրել է Լյուդմիլա Հովհաննեսի Ալավերդյանը: 2021 թվականի փետրվարի 8-ին ՀՀ ՊԵԿ իրավաբանական վարչությունում Լյուդմիլա Հովհաննեսի Ալավերդյանի նկատմամբ ՀՀ մաքսային օրենսգրքի 203-րդ հոդվածի 1-ին մասի 2-րդ պարբերության հատկանիշներով կազմվել է մաքսային կանոնների խախտման վերաբերյալ արձանագրություն, որի մեկ օրինակն ուղարկվել է նրան:

Լյուդմիլա Հովհաննեսի Ալավերդյանը 08.02.2021թ. ծանուցագրով հրավիրվել է ՀՀ ՊԵԿ հրավաբանական վարչություն վարչական վարույթի մասնակցության, սակայն վերջինս չի ներկայացել և բացատրություն չի ներկայացրել:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 32-րդ կետի համաձայն՝ «մաքսային հայտարարագիրը» մաքսային փաստաթուղթ է, որը պարունակում է տեղեկություններ ապրանքների վերաբերյալ կամ ապրանքների բացթողման համար անհրաժեշտ այլ տեղեկություններ, իսկ 7-րդ կետի համաձայն՝ հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ:

Օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: ԵԱՏՄ մաքսային օրենսգրքի 105-րդ հոդվածի համաձայն՝ մաքսային ընթացակարգերով ձևակերպելիս, բացառությամբ «մաքսային տարանցում» մաքսային ընթացակարգի, մաքսային մարմին է ներկայացվում ապրանքների մասին հայտարարագիր: ԵԱՏՄ մաքսային օրենսգրքի 106-րդ հոդվածով սահմանվում են ապրանքների հայտարարագրերում նշման ենթակա տեղեկությունները: Սույն հոդվածի 1-ին մասի 4-րդ կետի համաձայն՝ հայտարարագրում նշվում են տեղեկություններ ապրանքների մասին, որոնց մեջ ի թիվս այլոց նշվում է անվանումը, նկարագրությանը, որն անհրաժեշտ է այն մաքսային վճարների, հատուկ, հակազնազցման, փոխհատուցման տուրքերի և այլ վճարների հաշվարկման և գանձման համար, ապրանքների ծածկագիրը՝ Արտաքին տնտեսական գործունեության ապրանքային անվանացանկին համապատասխան:

Օրենսգրքի 72-րդ հոդվածի 5-րդ մասի համաձայն՝ եթե ապրանքների ծագումը և (կամ) նշված տուրքերը սահմանելու համար անհրաժեշտ այլ տեղեկություններ հաստատված չեն, ապա հատուկ, հակազնազցման, փոխհատուցման տուրքերը հաշվարկվում են՝ հիմք ընդունելով հատուկ, հակազնազցման, փոխհատուցման տուրքերի դրույքաչափերից ամենամեծը, որոնք սահմանվել են Արտաքին տնտեսական գործունեության ապրանքային անվանացանկի նույն ծածկագրին դասվող ապրանքների համար, եթե ապրանքի դասակարգումն իրականացվել է 10 նիշի մակարդակով, կամ խմբավորման մեջ մտնող ապրանքների համար, եթե ապրանքների ծածկագրերը Արտաքին տնտեսական գործունեության ապրանքային անվանացանկին համապատասխան սահմանվել են 10-ից պակաս նիշերի քանակով խմբավորման մակարդակով:

Օրենսգրքի 20-րդ հոդվածի 1-ին մասի համաձայն՝ հայտարարատուն և այլ անձինք ապրանքների դասակարգումն իրականացնում են ԱՏԳ ԱԱ-ին համապատասխան՝ մաքսային հայտարարագրման ժամանակ և այն դեպքերում, երբ մաքսային կարգավորման ոլորտի միջազգային պայմանագրերի ու ակտերի համաձայն, մաքսային մարմին են հայտնում ապրանքի ծածկագիրը՝ Արտաքին տնտեսական գործունեության ապրանքային անվանացանկին համապատասխան: Օրենսգրքի 2-րդ հոդվածի 35-րդ կետի համաձայն՝ մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է:

Օրենսգրքի 84-րդ հոդվածի 3-րդ կետի համաձայն՝ հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու համար:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ Մաքսային օրենսգրքի 203-րդ հոդվածի 1-ին մասի 1-ին պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

ԵՏՀ խորհրդի 16.07.2012 N54 որոշմամբ հաստատված հավելվածի համաձայն՝ ԵԱՏՄ ԱՏԳ 8701 100 00 ծածկագրով դասակարգվում են տրակտորներ կողքից քայլող վարորդի կառավարմամբ ապրանքատեսակները:

ԵՏՀ կոլեգիայի 12.02.2019թ. թիվ 25 որոշման համաձայն՝ մոտոբլոկները, մոտոկուլտիվատորները հանդիսանում են ներքին այրման շարժիչով սարքավորումներ, որոնք կառավարվում են երկու բռնակների տեսքով դեկային սարքի միջոցով՝ սարքավորմանը կից գտնվող վարորդի վարորդի կողմից և ենթակա են դասակարգման ԵԱՏՄ ԱՏԳ 8701 100 00 ծածկագրով՝ առաջնորդվելով ԱՏԳ ԱԱ մեկնաբանման հիմնական 1-ին և 6-րդ կանոններով:

Վարչական վարույթի ընթացքում 11.02.2021թ. թիվ 11/11-3/7047-2021 գրությամբ հարցում է կատարվել «Ագոթուլս» ՍՊ ընկերության տնօրենին, այն մասին, թե արդյո՞ք հայտարարագրման ընթացքում մաքսային ձևակերպումների մասնագետ Լյուդմիլա Հովհաննեսի Ալավերդյանը դիմել է «Ագոթուլս» ՍՊ ընկերությանը փաստաթղթերի կամ լրացուցիչ տեղեկությունների տրամադրման համար, ընկերության կողմից ներկայացված փաստաթղթերը բավարար էին ճշգրիտ հայտարարագրում կատարելու համար և արդյո՞ք վերջինս հատկացված փաստաթղթերի ուսումնասիրման արդյունքում կարող էր պարզել, որ «ՄՈՏՈԿՈՒԼՏԻՎԱՏՈՐՆԵՐ WENXIN» տեսակի փխրիչներ ու կուլտիվատորներ նկարագրությամբ ապրանքները հանդիսանում են բենզինային ներքին այրման շարժիչով սարքավորումներ:

2021 թվականի փետրվարի 17-ին «Ագոթուլս» ՍՊ ընկերության տնօրենը հայտնել է, որ մոտոկուլտիվատորներ ապրանքատեսակի վերաբերյալ գործում առկա լուսանկարների հիման վրա մաքսային ձևակերպումների մասնագետը կատարել է հայտարարագրում:

Մաքսային կանոնների խախտումների վերաբերյալ վարույթի շրջանակում հաստատվել է այն հանգամանքը, որ մաքսային ձևակերպումների մասնագետ Լյուդմիլա Հովհաննեսի Ալավերդյանը ապրանքների հայտարարագրին կից ներկայացված փաստաթղթերի ուսումնասիրությունից կարող էր պարզել, որ ներմուծված սարքավորումները հանդիսանում են բենզինային ներքին այրման շարժիչով սարքավորումներ, որոնք ունեն հնարավորություն իրենց ամրացնելու տարբեր կախովի սարքեր, ինչպես նաև կառավարվում են երկու բռնակների տեսքով դեկային սարքի միջոցով՝ սարքավորմանը կից գտնվող վարորդի կողմից:

Մաքսային ձևակերպումների մասնագետ Լյուդմիլա Հովհաննեսի Ալավերդյանը 2021 թվականի փետրվարի 18-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի իր բացակայությամբ, սակայն վերջինս չի ներկայացել:

Այսպիսով, գործի նյութերով պարզվել է, որ ՀՀ-ում գործող «ԱԳՌԹՈՒԼՍ» ՍՊ ընկերության անվամբ ՀՀ ներմուծված և փաստացի ԵԱՏՄ ԱՏԳ ԱԱ 8701 100 00 ծածկագրով դասակարգվող ապրանքները մաքսային ձևակերպումների մասնագետ Լյուդմիլա Հովհաննեսի Ալավերդյանը 26.02.2020թ. թիվ 05100010/260220/0010756 ապրանքների հայտարարագրով հայտարարագրել է ոչ ճշգրիտ ԵԱՏՄ ԱՏԳ ԱԱ 8432 29 100 0 ծածկագրով, ինչի հետևանքով առաջացել են 143883 ՀՀ դրամի չափով պակաս հաշվարկված մաքսային վճարներ, այսինքն՝ Լ. Ալավերդյանը թույլ է տվել ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ նախատեսված մաքսային կանոնների խախտում, ինչը հիմնավորվում է ՀՀ ՊԵԿ մաքսային հսկողության վարչության 27.01.2021թ. «Ապրանքի ոչ ճիշտ դասակարգում հայտնաբերելու դեպքում ապրանքի դասակարգման վերաբերյալ» թիվ ԱԴՌ-21-000009 որոշմամբ, 29.01.2021թ. թիվ 0101-Ա ստուգման ակտով, 26.02.2020թ. թիվ 05100010/260220/0010756 ապրանքների հայտարարագրով:

Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Լյուդմիլա Հովհաննեսի Ալավերդյանին (նույնականացման քարտի համար՝ 010618114) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 2-րդ պարբերությամբ և նրան տուգանել 71941 ՀՀ դրամ: /900005024055 (կող-19) հաշվեհամարին/

2. Որոշման մասին հայտնել Լ. Ալավերդյանին՝ պարզաբանելով, որ ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ այն կայացնելուց հետո 10 օրվա ընթացքում կամ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ՝

Ա. ՄՆԱՅԱԿԱՆՅԱՆ